

vnd stücke stethe vnde gantz wollin vnd sullin halden, des habin wir zcu orkünde vnde bekentnisse vnsir stad große ingesigil an dißin briff gehangen, der gegeben ist noch Cristi geburt driezinhundirt iar dornach ym newn vnde sechzigisten iare an sente Margarethen tage der heyligin iungfrawin vnde mertererynne.

Nach Grundmann Cod. dipl. episc. Misn. im K. Haupt-Staatsarchiv zu Dresden Vol. III. fol. 765.

No. 595. 1369. 16. Juli.

*Die Markgrafen Friedrich, Balthasar und Wilhelm beurkunden 60 Schock Gr. von ihrer Jahrbete in Leipzig auf Wiederkauf an den Bischof angewiesen zu haben.*

Wir Friderich, Balthazar vnde Wilhelm — bekennen — als wir dem erwirdigen in got vater vnde herrin ern Johanse bisschoffe zcu Mizens vnserm lieben herren vnde frunde sechzig schog guter breiter groschen an vnser stad zcu Lipczk rechter jarbete, die ym sinen . . nachkomeligen vnde sime capitel ab nicht bisschofs were vnde sinen . . getruwenhendern alle jar halb vf sende Michels tag vnde halb vf sende Walpurgin tag sullen geuallin, bewist habin mit andern vnsern brifen, vnde ouch vnser ratismeister vnde burger gemeinlich da selbens zcu Lipczk dem vorgeanten unserm herren ern Johanse bisschoffe zcu Mizens sinen . . nachkomeligen vnde sime capitel ab nicht bisschofs were vnde sinen getruwenhendern die sechzig schog vorbrifet vnde bestalt habin, daz yn wol daran gnuget, daz wir die obgenanten ratismeistere die rete vnde stad gemeinlichen zcu Lipczk der megenanten sechzig schog alle jar, die wile wir die nicht weder gekouft vnde an vns bracht habin, quiit ledig vnde los gesaget habin vnde sagin mit disem brife ane geuerde. Wer ouch ab wir der vorgeanten vnser stad zcu Lipczk vryheit gegeben adir die rente vnde bete ymande vorwist hettin, wi vil in des geldis denne abginge, daz globen wir yn gutlichen wedir zcu keren vnde ouch mit yn zcu bestellin, daz yn wol gnuge. Vnde habin des zcu vrkunde vnser furstlich ingesigil an disen brif lazzen hengin. Datum LXIX<sup>o</sup>. feria secunda post Margaretam.

Item civitas Miszen habet eandem litteram de verbo ad verbum super quinquaginta sexagenas.

Item civitas Hayn habet dictam litteram de verbo ad verbum super quinquaginta sexagenas.

Item civitas Torgow habet praedictam litteram de verbo ad verbum super quadraginta sexagenas.

Aus dem Lib. privileg. march. im K. Haupt-Staatsarchiv zu Dresden XXX. fol. 1b.